

ԵՐԿԱՐՈՒԹՅԱՆ ՉԱՓԱԿԱՆ ՀԱՄԱԿԱՐԳԵՐԻ ՀԱՐՑԻ ՇՈՒՐՋԸ

ԳԱՐԵԳԻՆ ՊԵՏՐՈՍՅԱՆ

Հայկական հնագույն աղբյուրները երկարության չափերի վերաբերյալ հարուստ նյութ են պարունակում: Սակայն Մատենադարանի ձեռագրերում և տպագիր գրականության մեջ եղած չափական աղյուսակների միայն մի մասն է հիմնովին ուսումնասիրվել: Չնայած դրան, ուսումնասիրությունները տվել են շատ հետաքրքիր արդյունքներ: Որպես օրինակ կարելի է նշել «Աշխարհացոյցի» համառոտ և ընդարձակ խմբագրություններում պարունակվող աղյուսակները:

Չափագիտական աղյուսակ «Աշխարհացոյցի» համառոտ խմբագրության.

«Եւ է մասն հինգ հարիւր ասպարէզ, և ասպարէզն է հեռագնացութեամբ՝ այսինքն է վտաւան մի: Եւ է ասպարէզն ըստ օդաչափութեան քայլս հարիւր և քայլն է վեց ոտն, եւ ոտն վեշտասան մատն. մղոնն է ասպարէզ մի: Իսկ ասպարիզաց ասպարէզն է հարիւր քառասուն և երեք քայլ միով պակաս. և մղոնն է եւթն ասպարէզ, որպէս՝ զի լինել գետնաչափութեամբ մղոնն հազար քայլ. և փարսախն երեք մղոն է: Բայց աւդաչափութեամբ երկրաչափութեան մասն հինգ հարիւր ասպարէզ ի լայնն և նոյնչափ երկայն չորեք կուսի, որպէսզի լինել մասին եւթանասուն և մի մղոն, չորք եւթն քսանեութեմ¹:

Չափագիտական աղյուսակ «Աշխարհացոյցի» ընդարձակ խմբագրության.

«Եւ չափն է մասն. և մասն ասի հինգ հարիւր ասպարէզ. և ասպարէզն հեռակցութիւն վտաւանի, և ըստ օդաչափութեանն հարիւր եօթն քայլ. և քայլ վեց ոտն, և ոտն վեշտասան մատն. և լինի ասպարէզն վեց հարիւր քառասուն և երեք ոտն (միով պակաս): Եւ մղոնն է եօթն ասպարեզ. իսկ Պարսից ասպարէզն է հարիւր քառասուն և չորս քայլ. և մղոնն գետնաչափութեամբ հազար քայլ. եւ հրասախն է երեք մղոն եւ երկրաչափութեամբ, մասն է հինգ հարիւր ասպարէզ չորեքկուսի որպէս զի լինել մասինն եօթանասուն և մի մղոն. չորեակ եօթնեակ և քսանեութեկ մի»²:

Այս երկու աղյուսակներում առկա գրչական վրիպակներն ուղղելուց և մաթեմատիկական ճիշտ առնչությունները վերականգնելուց հետո ստացվում է մեկ չափական աղյուսակ³:

¹ «Աշխարհացոյց է դարու», հրատ. Պատկանյանի, ՍՊԲ, 1877, էջ 3 և 8:

² «Աշխարհացոյց Մովսեսի Խորենացույ», հրատ. Ա. Սուքրյանի, Վենետիկ, 1881, էջ 7:

³ Գ. Բ. Պետրոսյան, Երկարության չափերը հին հայկական աղբյուրներում և դրանց նոր մեկնաբանությունը («Պատմա-բանասիրական հանդես», 1970, № 3, էջ 218—221):

Մասն	500 ասպարեզ
ասպարեզն օգտագործված	107 ¹ / ₇ քալ (էրատոսթենեսի ասպարեզը)
քալը	6 ոտ
ոտը	16 մատ
մղոն	1 ասպարեզ
ասպարեզայ ասպարեզը	142 ⁶ / ₇ քալ
մղոնը գետնաշափոթված	1000 քալ
փարսախն	3 մղոն
մասն 500 ասպարեզ	713 ³ / ₇ մղոն

Այս աղյուսակի ճշտությունն ապացուցվում է նաև երկրադնդի միջօրեականի երկարությունը հաշվելու միջոցով: Հայտնի է երկրագնդի միջօրեականի երկարության համար հույնական Պոսիդոնիոսի ստացած մեծությունը՝ 240000 ասպարեզ: Միջօրեականի երկարությունը ըստ Պտղոմեոսի հավասար է $500 \times 360 = 180000$ ասպարեզի:

$$107\frac{1}{7} \text{ քալ} \times 240000 = 142\frac{6}{7} \text{ քալ} \times 180000 = \frac{18 \cdot 10^7}{7} \text{ քալ: Վերագրա-}$$

լից եզրակացնում ենք, որ «Աշխարհացոյցի» համառոտ և ընդարձակ խմբագրություններում առկա է մեկ չափական համակարգ: Մինչդեռ, Ռ. Վարդանյանն անտեսելով վերոհիշյալը, ընդունել է չափական երկու համակարգ՝

Թ. Գևորգյանը 1974 թ. հանդես եկավ միջնադարում գործածված փոքր գծաչափային միավորների հարաբերական մեծությունների մասին հոգևածով⁵: Նա ճիշտ է համարում Ռ. Վարդանյանի «Աշխարհացոյցի» ընդարձակ և համառոտ խմբագրությունների չափագիտական աղյուսակների լուսաբանության նոր փորձ՝ հոգևածի դրույթները, որտեղ քննադատվում է մեկ չափագիտական համակարգը արհեստական կերպով երկու համակարգ դարձնելու Ռ. Վարդանյանի տեսակետը: Թ. Գևորգյանը գրում է. «Շումերա-ակադական, եգիպտական, հունական, հին հնդկական, հելլենա-փիլիսոփայական և այլ հին գծաչափային համակարգերում առկա ընդհանրությունները, որոնք արտահայտվում են նաև չափերի ստեղծման միակերպ կանոններով, պայմանավորված են մարդու մարմնի կառուցվածքային նույնություններով: Դրանք առավել որոշակիորեն արտահայտվում են չափաբանական այն բանաձևերում, որոնց գծաչափային միավորները ունեն որոշակի ոսկրային հիմք: Այդպիսի չափերից են չափակարգի փոքր գծաչափային միավորները (ոտ, թիզ, քիլ, ներբան, բուռ, կոճ, մատ, դունգ և այլն), որոնց հիմքում ընկած են մարդու վերին և ստորին ազատ ծայրանդամների փաղանդային կամ թաթուկերը, և կամ էլ պայմանավորված են նրանց համակարգի առանձնահատկություններով»:

Իր առջև դրված խնդիրը լուծելու համար Թ. Գևորգյանը փոխանակ մատենադարանի ձեռագրերում եղած հարուստ նյութերի, ինչպես նաև Հայաստանի ճարտարապետական պատմական հուշարձանների չափագրումների

⁴ Ռ. Վ. Վարդանյան, «Աշխարհացոյցի» ընդարձակ և համառոտ խմբագրությունների չափագիտական աղյուսակների լուսաբանության նոր փորձ («Պատմա-բանասիրական հանդես», 1970, № 3, էջ 203—215):

⁵ Թ. Գ. Գևորգյան, Միջնադարում գործածված փոքր գծաչափային միավորների հարաբերական մեծությունները («Երաբեր», 1974, № 2, էջ 31—39):

⁶ Նույն տեղում, էջ 33—34:

հիման վրա որոշի տարբեր դարաշրջաններում գործադրված չափական համակարգերը, ելակետ է ընդունել այն սխալ գրույթը, որ Հայաստանում միջին դարերում փոքր գծաչափերի համար գոյություն է ունեցել մեկ համակարգ: Այս առթիվ նա գրում է. «Հին աշխարհի ու միջնադարի շատ ժողովուրդներ մարդու մոդելավորման համար որպես «պորտատիվ չափ» (միավոր)՝ օգտագործել են մարդու ձեռքի մատները: Թեև պատմական նմանակի առկայությունը ընդհանուր առմամբ ապացույց չէ, բայց հիմքեր էլ չկան պնդելու, որ հարևան երկրների հետ քաղաքական, տնտեսական և մշակութային հարատև ու գործունե կապերի մեջ գտնվող Հայաստանի չափակարգը այս իմաստով բացառություն կազմած լինելու համար: Հայկական աղբյուրներում դժաշափային միավորները շատ հաճախ արտահայտված են բուռերով (ձեռնաթաթի լայնությունը առանց մեծ մատի), որը չափով շատ մոտ է մատնաչափին՝ մատի երկարությունը ծայրից մինչև մերձավոր հոդը: Յուրամատով և մեծ մատով կազմվում է քիչ չափը՝ բթամատի ծայրից մինչև չուցամատի ծայրը ընկած միջոցը, դրանց լիաբաց վիճակում, որի հարաբերական մեծության համար աղբյուրներում ունենք 2 բուռ (ուղուկ) չափը: Սակայն, ըստ Անանունի՝ $14:7=2$ բուռ կազմել է ներբանը»¹:

Թ. Գևորգյանը համադրելով մի շարք աղբյուրներ և տնելով որոշ հնթադրություններ, փոքր երկարության չափերի համար ստանում է հետևյալ աղյուսակը².

								դարի 1	
						դունդ 1		1	2
				մատ 1		1		2	4
				4ոճ 1		2		4	8
				բուռ 1		2		4	16
		ներբան 1		21/2		4		8	32
		քիւ 1		11/1		2		10	40
		թիւ 1		13/5		11/2		3	48
ստ 1	11/5	11/5	2	4	8	16	32	64	

Այժմ մոտիկից ծանոթանանք այս աղյուսակի արտածման Թ. Գևորգյանի եղանակին, որտեղից որոշակի պարզ կդառնա, որ այն պարունակում է մաթեմատիկական սխալ առնչություններ և հանդիսանում է տարբեր չափական համակարգերի արհեստական միացում՝ երկարության փոքր չափերի սահմաններում:

Թ. Գևորգյանը նախ մեջ է բերում հետևյալ աղյուսակները³.

Ըստ Անանունի				Ըստ Սարգսի			
		դարի 1				դարի 1	
		1		դունդ 1		1	
		մատ 1		4ոճ 1		2	
		բուռ 1		1		8	
ներբան 1	2	8	16	թիւ 1	8	16	32

¹ Նույն տեղում, էջ 35:

² Նույն տեղում, էջ 38:

³ Նույն տեղում, էջ 34:

Այս աղյուսակները հանդիսանում են ակադեմիկոս Հ. Մանանդյանի աշխատության մեջ զետեղված հետևյալ աղյուսակների¹⁰ սկզբի մասերը.

Երկարության չափերը Անանունի հատվածում.

Գարեհատ										1	
մատ (ֆիլետերյան հին բաժանման)									1	2	
բուռն (= բուռն ֆիլետերյան հին բաժ.)								1	4	8	
ներբան								1	2	8	
կանգուն (երկար. կ. ֆիլետ. հին բաժ.)						1	3 ¹ / ₂	7	28	56	
քայլ						2	7	14	56	112	
խրատիս (= 7/8 ֆիլ. նոր բաժանման պլեթրոն)						21 ⁷ / ₈	43 ¹ / ₄	153 ¹ / ₈	306 ¹ / ₄	1225	2450
ասպարեզ (պարսից ֆիլետ. նոր բաժ.)					1 6 ⁶ / ₇	150	300	1050	2100	8400	16800
մղոն				1 7 48		1050	2100	7350	14700	58800	117600

Երկարության չափերը Ղ. Ալիշանի ծանոթության մեջ.

Գարի										1
ըզունգ									1	2
կոճ								1	2	4
թիզ (= ոտ որմնադիրների սխտեմ)							1	8	16	32
գիրկ (ձող որմնադիրների սխտեմ)						1	6	48	96	192
ասպարեզ (= ստադիոն Աղեքսանյան սխտեմ)					1	166 ² / ₃	1000	8000	16000	32000

Ինչպես երևում է, այս աղյուսակները, որոշ նմանություններով հանդերձ, ունեն էական տարբերություններ: Փոքր երկարության չափերի սահմաններում չափական տերմինները էպես տարբերվում են: Իրարից տարբերվում են նաև չափական մասթեմատիկական առնչությունները: Այդ բոլորը դալիս են հաստատելու Հ. Մանանդյանի հավանական ենթադրությունը, որ մենք այստեղ գործ ունենք տարբեր չափական համակարգերի հետ: Թ. Գևորգյանը լավ ծանոթ լինելով Հ. Մանանդյանի տեսակետին, քննում է այն և մերժում՝ փորձելով ստանալ երկարության փոքր չափերի համար մեկ աղյուսակ, սակայն հոգովածի ռուսերեն ամփոփման մեջ չի նշում Հ. Մանանդյանի անունը և տարբեր համակարգերի բաժանման ամբողջ մեղքը այս դեպքում էլ գցում է Ռ. Վարդանյանի վրա: Մասնագետ մետրոլոգների կարևոր խնդիրներից մեկն էլ այն է, որպեսզի նրանք որոշեն, թե այդ չափական համակարգերից որը երբ է օգտագործվել:

Լինելով ճարտարապետ և ծանոթ լինելով հայկական ճարտարապետական հուշարձանների չափագրումներին, Թ. Գևորգյանը կարող էր իր ուսումնասիրության մեջ անդրադառնալ կանգուն երկարության չափին, որպիսին նշվում է Անանունի չափական աղյուսակում:

Չնայած երկարության քիչ չափը վերևում նշված չափական աղյուսակներում բոլորովին չի նշվում, Թ. Գևորգյանը զգալի տեղ է հատկացրել դրա արտածմանը: Ցավոք, նրա ընտրած ուղին միանգամայն սխալ է: Թ. Գևորգյանը քիչ չափի մեծությունը, արտահայտված այլ չափերի միջոցով, պետք է որոնի մեզ հասած չափական աղյուսակների մեջ, այլ ոչ թե մատների փաղանգների մասին եղած նորագույն ուսումնասիրությունների և նյութերի

¹⁰ 2. Մանանդյան, Կշիռները և չափերը հնագույն հայ աղբյուրներում, Երևան, 1930, էջ 120: Այս աշխատության մեջ չափական աղյուսակի մեջ չափերի մեծություններն արտահայտված են ժամանակակից մետրական չափերով: Դրանք չենք բերել, որովհետև այդ արժեքները սխալ են (Հ. Մանանդյանի հաշվումների հիմքում ընկած են սխալ թվեր):

հիման վրա պորձագրելով հանրահայտ մաթեմատիկական մեթոդներ՝ արտաթի բիլի մեծությունը, նման եղանակով նա քիլի համար ստանում է $2\frac{1}{2}$ բուռ ու այն մտցնում իր կառուցած աղյուսակի մեջ, որը գիտական համարել չի կարելի:

Թ. Գևորգյանն իր աղյուսակի մեջ եղած չափերի մաթեմատիկական առնչությունների դժվարությունները հաղթահարելու համար, այնուամենայնիվ, դիմում է նոր չափական աղյուսակի, որտեղ գործադրվում է քիլ չափը: Նա Մատենադարանի ձեռագրերից մեկից հետևյալ հատվածն է բերում. «Մի քիլն է 2 ուղուկ, և մի ուղուկն 4 մատնաչափ. և 3 ուղուկն մի թիզ, որ է 12 մատնաչափ»: Ապա նա գրում է. «Այս բանաձևը, չնայած աղբյուրի ուշ շրջանի պրոլությունը, միանգամայն համապատասխանում է մեր հաշվարկներին»¹¹:

Եթե այս բանաձևը համապատասխանում է Թ. Գևորգյանի հաշվարկներին, ապա ինչու է նա իր աղյուսակում ցույց տալիս, որ քիլը = $2\frac{1}{2}$, այլ ոչ թե 2 բուռի, քիլը = 10 մատնաչափի, այլ ոչ թե 8 մատի:

Թ. Գևորգյանը քիլի մասին տեղեկություններ վերցրել է Մատենադարանի № 2769 ձեռագրի չափական աղյուսակի վերջին հատվածից: Ահա այդ չափական աղյուսակի մի հատված ևս. «Դարձեալ մեկ մղոնն է 8 ասպարեզ և կամ վտավան մի ասպարեզն 125 երկրաչափական քայլ և մի քայլն 5 ոտ. այսինքն 10 քիլ և մի քիլն է տարածություն ի ծայրն բութ մատի ավարտյալ ի ծայր ցուցամատին»¹²:

Այս տվյալների համաձայն ոտը = 2 քիլի, որովհետև 5 ոտը = 10 քիլի: Թ. Գևորգյանի աղյուսակում ոտը = $1\frac{1}{5}$ քիլի: Մի այլ առիթով նա գրում է. «Քանի որ բուռը հավասար է 4 կոճի հաշվարկն անհավանական է, ապա, քանի որ չափային միավորների միջև եղած մաթեմատիկական առնչություններն արտահայտված են երկուական համակարգով, կմնա ենթադրել, որ բուռը կազմել է ոչ թե 4 (Դ.), այլ՝ 2 (Բ.) կոճ: Այս հաշիվը բերված բանաձևի հետ համադրելիս կստացվի, որ կոճը հավասար է երկու մատի, իսկ թիզը՝ 6 կոճի (կարող էր տեղի ունեցած լինել ոտ և թիզ չափերի շփոթ): Այսինքն՝ ներքանը = 2 բուռ (կամ $2 \times 16 = 32$ գարի), քիլը = $2\frac{1}{2}$ բուռ և թիզը = 3 բուռ»¹³:

Ստացված արդյունքների հիմքում ընկած են սխալ ենթադրություններ: Թ. Գևորգյանը գրում է, որ չափային միավորների միջև եղած մաթեմատիկական առնչությունները արտահայտված են երկուական համակարգով: Եթե այդպես է, ապա ինչու նրա ստացած համակարգում զարեհատից մինչև ներքան այդպես է, իսկ հետո այդ կարգը չի պաշտպանվում: Թ. Գևորգյանը գրում է, թե բուռը հավասար է 4 կոճի, սակայն նրա հաշվարկն անհավանական է և բոլորովին չի հիմնավորվում: Ծանոթության մեջ գրում է, թե կոճ և մատ չափերի նույնացումը այստեղ բացառվում է: Մատը հավասարեցնում է երկու կոճի, իսկ թիզը՝ 6 կոճի, հետո նկատում, որ կարող է կատարված լինել թիզ և ոտ չափերի շփոթ: Ղ. Ալիշանի ծանոթության մեջ թիզը = 8 կոճի, իսկ Թ. Գևորգյանի աղյուսակում՝ 6 կոճի:

¹¹ «Արաբեր», 1974, № 2, էջ 37:

¹² Մատենադարան, ձեռագիր № 2769, էջ 160ա:

¹³ «Արաբեր», 1974, № 2, էջ 37:

Այսպիսով, Թ. Գևորգյանի փորձը՝ երկու աղյուսակների հիման վրա կազմելու նոր աղյուսակ, ստացվել է միանգամայն արհեստական, նրա աղյուսակը լի է մաթեմատիկական ոչ ճիշտ առնչություններով:

К ВОПРОСУ О СИСТЕМАХ МЕР ДЛИНЫ

ТАРЕГИН ПЕТРОСЯН

Резюме

Древнеармянские источники содержат богатый материал о мерах длины, принятых в средневековой Армении. До настоящего времени изучена только часть этих мер длины, на основе чего сделаны интересные выводы. В качестве примера можно указать таблицы длины, содержащиеся в краткой и пространной редакциях «Ашхарацуйца».

Рассматриваемая таблица мер длины малых мер, предложенная Т. Е. Геворкяном, является следствием искусственного соединения двух разных таблиц в одну, которая содержит много неправильных математических соотношений. В настоящее время перед метрологами стоит задача на основе глубоких исследований таблиц мер длины, дошедших до нас, и обмеров архитектурных памятников, конкретно установить эпохи указанных таблиц.